

影印

文淵閣四庫全書

第一一七〇冊

北京出版集團公司
北京出版社

本冊目次

華亭百詠

宋 許尚撰……………一

梅山續藁

宋 姜特立撰……………一一

菊磻集

宋 高翥撰
清 高士奇輯編

附林湖遺稿

宋 高鵬飛撰……………一一九

江邨遺稿

宋 高選等撰
高邁

疎寮小集

宋 高似孫撰

性善堂稿

宋 度正撰……………一五一

漫塘集

宋 劉宰撰……………二七五

欽定四庫全書

集部
華亭百詠

詳校官無吉士臣翁樹培

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣李德

欽定四庫全書

集部四

華亭百詠

別集類三 宋

提要

臣等謹案華亭百詠一卷宋許尚撰尚自號

和光老人華亭人其始末無考是編作于淳

熙間取華亭古蹟每一事為一絕句題下各

為之注然百篇之中無注者凡二十九而其

中多有非注不明者以例推之當日不容不

欽定四庫全書

華亭百詠
提要

二

注殆傳寫佚脫歟弔古之詩大抵不出今昔

之感自唐許渾諸人已不能拔出窠臼至于

一地之景衍成百首則數首以後語意畧同

固亦其所屬鶚作宋詩紀事僅錄其陸機葦

三女岡征北將軍墓顧亭林白龍洞俞塘普

照寺陸瑁養魚池唳鶴灘湖光亭十首亦以

其罕逢新警故也然格意雖多複衍而措詞

修潔尚不失為雅音所注雖簡畧而其時在

今五六百年之前舊跡猶未全湮方隅之所
在名目之所由亦尚足備志乘之參考在詩
家則無異於衆人在輿記之中則視後來支
離附會者勝之多矣乾隆四十六年十月恭
校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

華亭百詠
提要

欽定四庫全書

華亭百詠

顧亭林

宋許尚撰

旦暮潮流急東西逕路斜無從質疑字共屬野王家

顧府君宅

即顧亭林雲寺祠堂

蕭蕭蘭若地知是府君居祠事今誰奉吾來一歎吁

欽定四庫全書

華亭百詠

東菴異跡

在顧亭林菴中有忠烈公像近歲忽地裂數尺

中有風濤聲以物探之則應手火起

地脉風雷吼人疑湧海潮將軍英爽在何物敢興妖

金山

激浪聞澎湃山神陰力多風濤歸指顧海若敢誰何

安公像

昔有僧沈海而死肉身尚存

浮鉢來滄海幡然厭世塵補陀崖畔月長照定中身

寒穴泉

潰湧懸崖下泠泠注不窮將期挹甘冷弱水漸難通

蘇州洋

又名金闕

南舶欲入華闕

此亭者必

闕放蘇州洋蓋闕

屬處舊蘇州

已出天池外狂瀾尚爾高蠻商識吳路歲入幾千艘

華亭谷

欽定四庫全書

華亭百詠

二

府南三里入松陵

瀾漫連迴野潮汐往來頻慣識松陵路重來不問津

八角井

浚極疑無底丰稜定有因沈沈中夜月照影屬何人

陸機葦

在谷東吳陸遜生二孫常于此遊獵今名桑陸

又名吳王獵場

二陸為童日驅馳屢忘歸至今桑柘響禽鳥尚驚飛

柘湖

展武沈淪後波澄一鑑明桑田復更變觸目捻柴荆

秦女祠

狼秦崇竒政有女亦蒙冤欲弔興亡事神應恥重論

唳鶴湖

洗蕩雲間路翕淪一水深月光零露重遙聽九臯音

三女岡

三殮知無有香魂計已銷頻來吟楚些歲久若為招

欽定四庫全書

華亭百詠

三

金山城

府南八十五里舊經云昔周康王東游鎮大海

故築此城

治盛周康世東游豈信然城闌亦隨廢門謀漫相傳

前京城

府南八十五里輿地志云本海鹽縣以地近京

故以為名

廬落皆無有依稀古堞存登臨認遺跡林莽暮烟昏

崑山

歲久阡原變平時草木深英才沒黃壤舊事不堪尋

陸機宅

在崑山

華第今何在千年漫有名披榛問遺裔寂莫一傷情

谷水

短櫂經由處風披藻荇香中宵孤鶴唳片月印滄浪

秦皇馳道

欽定四庫全書

華亭百詠

四

歎息秦皇帝何年此逸遊迢迢大堤路千古為嗟羞

征北將軍墓

卽陸禕墓在崑山有碑村人疲于官吏征索遂

碎其碑

崎嶇尋古隧衰草隱寒原欲讀將軍事豐碑祇半存

鳳皇山

覽德來何代慵歸丹穴藏甘心化為石萬歲瑞吾皇

陸寶山

府北二十五里

祕寶封堅石山靈謹護藏欲為中帑助時復露光芒

佘山

祖傳舊有佘氏墓道于此因名焉

人與室俱化陰森松竹寒時時見孤鶴疑此守神丹

集賢里

父老云昔陳陸諸公居此因以為名

冠蓋游從日欣然萃一鄉田原摠如昨誰復嗣餘芳

欽定四庫全書

華亭百詠

五

白龍洞

在橫雲山頂下通澱山湖每風雨夜有龍出入

洞中

呼吸湖中水山椒寄此身洞門風雨夜雷火逐霜鱗

石魚

雙鯉何年刻悠然鬚鬣全登臨忽懷遠尺素若為傳

秀道者塔

在佘山秀昔虛此山有二虎侍之後自建塔于

山巔建畢還積薪自焚止存碑銘

辛勤成雁塔俄赴積薪焚靜夜耿耿影疑來護刻文

靈峯菴

在佘山池皆金沙後為昭慶禪院

路湧金沙地高人此築菴為詢林下客妙語與誰參

芥子菴

林外三椽建常思憩息時莫教嫌迫窄中有五須彌

澱山

欽定四庫全書

華亭百詠

六

府北七十里在澱湖之中

殿閣輝金碧遐觀足畫圖維舟一登覽誤陟小方壺

三姑廟

在府南柘湖之側湖中羣蛟競鬪水為騰沸獨

不入廟中

神居陰物護泉閼捍洪波莫慮蛟龍怒年來畏叱呵

蓮巢

在青龍陳氏疏地種蓮為休息之地今已堙廢

記得荷香裏蛾眉唱採蓮千年龜欲總不見葉田田

鬼書

在聖果寺昔常顯異于寺僧自稱東漢烈士沈

光有書石刻

壯士為儒恥捐軀志所甘無名豫青史幽憤亦何堪

孔宅

在府北七十五里昔有孔姓者游吳居此因名

焉又云昔夫子所居忽有先聖闕一碑額曰

欽定四庫全書

華亭百詠

七

孔村人怪而碑之

廟貌逾千祀泥封古碣昏傳云素王宅真蹟與誰論

崧宅

府西三十五里昔晉將軍秦崧居此因名焉

疆場功成後歸來卜一丘當時應種德名字播千秋

俞塘

府東五里往來之舟皆可揚帆諺有云雖有珠

千斛不賣俞塘北

延袤三鄉外東流與海通河神屢加意輒借往來風

鶴坡

府東七十里此地出鶴俗呼鶴窠者是也

索莫東郊達仙禽盡此藏夢回明月夜林杪響圓吭

砂岡

府東三十五里南屬海北屬江入土一尺皆螺

蚌殼如是者三所相傳海上湧三浪而成豈誠

然歟

欽定四庫全書

華亭百詠

八

十里平砂地聯通江海湄漫傳因激浪疑是蚌成基

御史涇

在府東

疏鑿人何在流功幾世餘農氓誦名氏不數鄭公渠

滬瀆

府西八十三里即松陵江水源出太湖松江之

民資灌溉之利

泛泛松江水迢迢笠澤通萬年知禹力灌溉有餘功

東堂

以下三咏並在府治廳事之側

廳在清閒處金猊罩寶香令君今學道來此吸朝陽

思齊堂

伊昔絃歌治能聲著海隅升堂想遺跡勵志欲齊驅

月榭

簷角銜牆固明疏護翠羅公餘秉談麈竟夕對金波

濯纓亭

欽定四庫全書

華亭百詠

九

府前官亭

輿梁斜倚處簷影墜清流往往抽簪者常為孺子羞

石獸

相傳昔常為怪夜則環市而走遂斷其一足以

下二詠並府東

刻鑿知何謂彌年亦有神宵行無足怪一吼亦驚人

震橋

昔姚庭輝宰此邑謂主位頗虛多宜客人作亭

以鎮之又名虹橋虹音降

瓦木明丹堊初期鎮此方石梁今欲圯尤益富蠻商

小隱園

妝點林泉趣銷除市井心平生踰伏計到此意偏深

姚將軍廟

本在邑南宰謂廟門面北不利土人遂移至縣

西以南鄉以下二十八詠並在府西

陰功周邑境南面固宜然毋復論民事神今憚改遷

欽定四庫全書

華亭百詠

十

趙店

關 邑之關市東名趙店今有神關 之趙

店

日日黃塵路喧喧漲市聲神靈自安此不欲變名稱

望雲橋

父老云立橋日適有瑞雲見因以為名

憶昨登臨日卿雲正四翔重來窮目力天末起祥光

石幢

望雲橋南此地昔有湧泉云是海眼立幢于上以鎮之

矻立應千載傳因海眼成蓬萊水清淺曾不見欹傾

普照寺

晉陸機宅捨為寺

高門收畫戟即此見精藍施予恩雖在縉流絕不談

彌陀閣

拄策徐徐上回環佛頂遊九山俱在望日斷暮烟浮

欽定四庫全書

華亭百詠

十一

羅漢院

邃宇中何有台山五百尊云何困人力金像搃塵昏

丁公橋

相傳令威由此仙去又名丁行橋

令威仙去後遺跡歎成非華表成烏有何由見鶴歸

雲間館

郵亭臨爽塏宗廟架脩虹我亦輪蹄客心期訪士龍

福順廟

殿宇之上鳥雀不棲

門垣雖蠹壞古屋尚深沈鳥雀猶知避斯民盡致欽

東嶽行祠

明主東封後龜蒙望亦尊巍然此行宇時許薦蘋蘩

西庵

陳律師庵律師常習儒業

蚤為儒冠誤齊心學竺乾而今林下塔夜夜戒光圓

白龍潭

欽定四庫全書

華亭百詠

十三

神物幽潛地滄滄水接空不緣嘗應禱誰識有殊功

毘廬菴

勾氏香火中有御書閣

捫蘿通一徑脩竹蔽中籬祇有奎章在龍神暗護持

西林

林外初晴後斜陽滿芰荷頻來指靈鷲此去路無多

陸瑁養魚池

即西湖也今為放生池

誰得陶朱術脩治一水寬皇恩浹魚鱉不復敢垂竿

小湖

西湖之北一灣名小湖

獵獵風蒲外淵淵明月秋詩翁浮短艇弭楫看游鯈

湖橋

潏潏湖光好荷風六月涼倚欄吟不勌魚鳥亦相忘

唳鶴灘

湖之東南隅

欽定四庫全書

華亭百詠

十三

養鶴人何在湖邊水尚清喚回中夜夢灘上戛然聲

泳波亭

在湖中

呂梁觀已遠沂水浴應難却倚亭前柳時時照影寒

風月臺

舊市舶司吳使所建

夜靜蒲萄皺雲舒玉鑑涼築堂人不見尊酒暗相望

湖光亭

風月亭之西

日暮蝦鬚卷亭中雅燕開微風起蘋末波影動樽罍

道院

西湖之西後為延氏蔬圃

淨宇今何在唯餘柏色新棲樓抱甕者不是煉丹人

異木

舊傳商人嘗夜夢有人自云吾土地神也能祭

我今汝宜商每歲商人夜半祭之往往獲其陰

欽定四庫全書

華亭百詠

十四

助

蟠根知永遠曲榦聳蛟虬閩賈蒙私庇年年此薦羞

顯忠廟

以下十詠並在府南

俯拜祠堂下遙思弼漢功吁嗟孝宣帝忘德太匆匆

東寺

世傳水陸池有龜數枚聞講經聲則緣隄而上

罷則復去

愛此後伽士勤脩戒行成丈龜亦知善來聽講經聲

證覺院

舊之無礙禪院

有人明七淨蟲沒締良因歎惜流風替誰為無垢人

棲真菴

仙路多官府真人未上升松窻霜月白相對誦黃庭

柳園

芳草池塘暖東風桃杏繁春歸人亦散寂寞鎖園門

欽定四庫全書

華亭百詠

十五

陸四公廟

又名陸司空

晉傑云亡久嘉名未遽湮嚴祠坐遺像猶解福吳民

南庵

堂壁有六祖畫像

施水功成後耽耽梵宇深升堂瞻貌像默會祖師心

姜庵

陰暄楸梧裏烏鳴落日中九原人不作明贊亦何功

望仙橋

鶴駕乘風去十年竟不歸石梁凭望處空復白雲飛

三洞庵

句曲山頭客遨遊到市塵星冠頂霜月夜半正朝真

淨居院

昔馬耆法寧住此院故俗又呼為馬耆庵後法

寧弟子亦住此庵

明眼知何在山門久寂然宗風未淪替還喜一燈傳

欽定四庫全書

華亭百詠

十六

水榭菴

王道所居

鳬島樓連地池流一逕斜先生久清苦不肯競紛華

圓珠菴

定回人寂靜繞鼻碧蓮香却認循簷月摩尼發夜光

華亭百詠

欽定四庫全書

集部
梅山續藁卷一
一至三

詳校官庶吉士臣翁樹培

主事臣呂雲棟覆勘

總校官進士臣繆琪

校對官中書臣朱忻

謄錄監生臣孫祥鳳

欽定四庫全書

集部四

梅山續藁

別集類三
宋

提要

臣等謹案梅山續藁十八卷宋姜特立撰特立字邦傑麗水人靖康中以父綬殉難陰補承信郎孝宗召為太子春坊累官浙東馬步軍副總管慶遠軍節度使事迹具宋史佖倖傳陳振孫書錄解題載梅山藁六卷續藁十

欽定四庫全書

梅山續藁
提要

五卷列之詩集類中則兩集皆有詩無文此本出休寧汪森家附以禠文及詩餘共為十八卷不知何人所增輯森序稱其流傳絕少故繕寫以傳則亦罕觀之本其正藁五卷歲書家皆不著錄意其散佚已久矣特立在當時恃光宗藩邸之舊頗攬權勢屢為廷臣所糾其人殊不足道陳振孫稱其本亦士人塗轍一異儼然誓御之態蓋惜之也然論其詩

格則意境特為超曠往往自然流露不事雕

琢同時韓元吉陸游皆愛之亦有由矣其上

梁文引自述其生平最悉有云百首之清詩

夜上九重之丹詔晨頒今考此集所載皆官

春坊以後之作而所云百首者集中不載或

尚有佚篇非其全帙歟乾隆四十三年九月

恭校上

欽定四庫全書

梅山續藁

總纂官_臣紀昀_臣陸錫熊_臣孫士毅

總校官_臣陸費輝

梅山續藁原序

余讀宋諸家詩而自始迄終各有其原本焉五季以還

家少陵而戶元白然分途攬轡超詣各殊即如梅宛陵

之精琢歐陽廬陵之雅鍊蘇眉山之開拓變化黃涪翁

之出沒浩瀚范石湖之丰標陸劍南之逸足真可謂百

不為多一不為少其或以偏師制勝獨壘爭奇樹幟生

前標名身後雖辟支小果游戲神通亦未可以優此而

劣彼也夫山水在宇宙間莫崇於五岳莫大于四瀆然

欽定四庫全書

梅山續藁
原序

匡廬奇秀雁宕奧區以至一邱一壑足以攬羈人之勝

致發幽士之高懷未始不登之載籍垂之今古獨于

詩而疑之也哉麗水姜邦傑特立以恩廕補官淳熙中

甚蒙知遇觀其自題續藁深有味乎其言少陵詩云文

章千古事得失寸心知益可信矣詩凡十七卷外雜文

六篇長短句二十首流傳絕少故繕寫以儋於有宋諸

家不欲使作者之意隨世而湮淪也特立父忠翊郎綬

靖康時金人犯闕應募往南京調兵赴援封股藏蠟書

絕城南壁為邏騎所得罵賊死之亦奇士也

康熙丁卯仲春之下浣休陽汪森書于裴杼樓

欽定四庫全書

梅山續藁
原序

二

欽定四庫全書

梅山續藁卷一

宋 姜特立 撰

特立既備數官屬入則番直出則應酬無復灞橋
風雪間思也時時作應用小詩雖有慚大雅譬如
鷄肋不忍棄也故錄之名曰續藁

甲辰春蒙恩召試時年六十

霜滿願間雪滿簪已甘蕭散卧山林如何六十公孫子
尚作當年舉子心

欽定四庫全書

梅山續藁
卷一

一

君王初未識相如誰與慇懃薦子虛莫笑麗官便無用
麗官也解試中書

恭和御製玉津園詩

輦路雲開雨脚疎君王游樂萬幾餘滄波不盡烟中景
清唱忽來江上漁此日丹青須立本何人詞賦似相如
小臣賡載無他語但詠山河壯帝居

松石歌壽皇太子殿下

萬生總總各殊稟中間變化通希夷大椿一萬八千歲

蟠桃結實千年期雖云閱世最久遠要自與物同推移
不如長松老為石仙家舊事尤瓌奇嘗聞道士馬自然

曾見天寶觀前屈鐵枝指云此木三千年去後合變堅

凝姿當時山上五里松龍拏虎蹲相與蛻化無餘遺六

丁夜半奉玉敕雷公礮上先念切轟取之陽侯神海河

伯亦好事洪濤巨浪移荒陂至今空山斷壑所遺者一

塊未許千金窺壺山柏木不足道壺山有柏半化為石餘猶是堅木康

干節理由人為四紀康于河有松人所之投水中三年化為石節理皆松也何如此

欽定四庫全書梅山詩集卷一

石最耐久萬年千載無成虧上不為女媧補天闕下不

為顓皇摭地維直將送似廣成子日與西母對坐同盤

嬉蓬萊海水會清淺廣成之壽無窮時

仰和令製臘中三白

六花紛委地隨物賦圓方未戒土牛候先呈玉馬祥月

孤難耀彩句妙與爭光不獨誇三白深宜熟五梁

木犀

木芙蓉葉未經霜籬畔黃花尚歛房正冷落中才吐艷

不思量處猛聞香釀成雲壑澄清氣滌盡炎鄉熱惱腸
便欲架巢枝上宿學他徐老愛花狂

西湖素公愛余泊舟小詩畫為扇子

老子詩中那有畫阿師畫裏自無詩我非今世王摩詰

子豈前身李伯時烟月正臨青嶂落灘聲惟許白鷗知

可憐半幅鵝溪絹寫此寒江一段奇

早朝

迷曉逆風飄漏遠驚秋墮葉響廊深五更又上籃輿去

欽定四庫全書梅山詩集卷一

忘却當年調笑吟余少嘗為豔詞以述歌酒間散之樂

寄華亭黃用之

陸機不聽華亭鶴張翰還思吳郡鱸何似故人無一事

菊花時節獨携壺

謝人惠詩二首

鑪鉞鍛鍊不遺力造化窮搜無遁情每對時人思杜老

不知能事屬先生

九攻莫下墨子守一矢難摧飛衛鋒始悟從前最高着

向來未肯付渠儂

偶題

莫恨盧姬嫁得遲尚能料理舊容儀
班姑陳后承恩早
衰悴難堪似少時

歲暮直舍感懷

歲暮坐公館永懷時序遷雪消殘臘外
春到蚤梅邊
夜色侵烏鵲年光送管絃無人同晤語
輸寫賴詩篇

道堂以梅結屏

欽定四庫全書

梅山續集
卷一

四

歲寒三友要君知不比凡花兒女姿
頗愛槎枒却高古
正嫌糾結玷幽奇
豪夸何用錦為障
瀟灑須添露作帷
可是道人多事在橫斜請看昔賢詩

偶題

花事匆匆一餉空清和池館轉薰風
綠陰似欲專清夏
不許林間見落紅

借書戲作

無書閱市交何少有書覓羊趣何卑
爭似北鄰兩公子

不嫌俗士笑渠癡

借庵

吾師自有庵何必從人借聞道架虛空
大千同一舍
天地即吾廬胡為號
借居趙州無住着不用更還渠

覓龍涎巧石

何年雲斧斫烟巒散在先生燕坐間
袖裏吾將有東海
憑詩乞與小巔峴

甲蟲淺俗聚仍昏沉水龍涎氣最芬
敢望凝香如燕寢

欽定四庫全書

梅山續集
卷一

五

竹爐聊欲試氤氲

和徐判院見惠詩篇

姚魏誰教混草萊今朝老眼為君開
建安自有親衣鉢
知道詩翁不姓梅

細知詩律析秋毫況是天然筆力高
便好鋪張清廟頌
不須追逐楚人騷

新詩贈我繞朝鞭敵手相逢一撫然
迦葉見花吾未解
靈均此秘子能傳